

Reu. Pater. Dubitabatur, an danda esset remissoria Patribus ad effectum probandi consuetudinem immemorabilem Mendicantium in Regnis Hispaniarum non soluendi decimas, & in tertia propositione quæ fuit die 2. Martij difficultas reducebatur ad duo capita, Primo an talis cōsuetudo sit præseruata in litteris Leonis. **II.** Secundo supposito, quod esset præseruata, an talis consuetudo suffragetur Patribus in eorum Collegijs vti verè mendicant, sed vt credimus euacuata prima difficultate ex clara dd. litterarum dispositione, & alijs rationibus tunc deductis non videbatur clarè euacuata secunda difficultas, ideo resolutio dilata fuit: vnde ad tollendam omnem ambiguitatem, & æquiuocationem contra veram, & non fictam Collegiorum præfatorum mendicitatem à DD. exaduerso scriben. deductam in hac quãta propositione clarè, & dilucidè ipsa Collegia ex natura propria, & non ex solo priuilegio esse mendicantia, credimus probari ex seqq.

Et quidem pro totius discursus fundamento ponimus definitionem ipsius mendicitatis ex *glos. in cap. cum ex eo. vers. mendicantes de excess. Pralat. in 6. in cap. quorundam eod. verb. mendicantes de elect. in 6. ad text. in cap. unico. §. confirmatas de relig. domib. eod.* ab ipsis exaduerso scriben. concessa, & adducta: sententia, aut glosæ, & textus in prædictis locis est, quod mendicantes illi sint, quibus victum tribuit in certa mendicitas, & qui redditus, aut possessiones ex regula, vel Constitutionibus haberi non possunt.

Hæc definitio sine difficultate societati conuenit, nec ab aduersarijs in controuersiam deducitur, vnde in Constitutionibus à Sede Apostolica confirmatis par. 6. cap. 2. num. 2. hæc habentur. In domibus, vel Ecclesijs, quæ à societate ad auxilium animarum admittentur redditus nulli, ne Sacristiæ quidem, aut fabricæ applicati haberi possint, sed neque vlla alia ratione, ita ut penes societate eorū sit vlla dispensatio, sed in solo Deo, cui per ipsius gratiam ea inseruit fiducia constituatur sine redditibus vllis ipsum nobis prospecturum de rebus omnibus conuenientibus ad ipsius maiorem laudem & gloriam, & num. 10. parati sint ad mendican. ostiatim, quando vel obedientia, vel necessitas id exiget, & paupertas ista est adeo de essentia societatis, vt admissi ad professionem promittant se nunquam facturos, vt Constitutiones quoad paupertatem relaxentur eod. cap. num. 1. & pluribus alijs in locis similia statuuntur.

nde iure merito Pius Quintus in Constitutione super hac materia mendicitatis ædita ipsi societati diffinitionem præfatam conuenire declarat, cum ait ipsa societas mendicans existit, quippeque ex eius Instituto, & Constitutionibus Apostolica auctoritate confirmatis bona stabilia possidere nequit, sed incertis elemosynis fideliumque largitionibus, & subuentionibus uiuit.

Sed dubium ab aduersarijs motum est de Collegijs, quod quidem dubium licet ante Pium Quintum olim fuerit exagitatū, & ab ipso Pio sublātum, ac declaratum etiam ipsa Collegia mendicantia esse: Nihilominus DD. ex aduerso argumenta antiqua exuscitantes, & diuersas æquiuationes pro interpretatione præfatæ Piane Constitutionis adducētes negociū decisū adhuc sub dubio reuocare conātur.

Tria autem argumenta præcipua ad destruendam Collegiorum mendicitatem proponunt. Primo Collegia non sunt mendicantia, quia ex eorum fundatione bona habent stabilia, nec mendicare coguntur, imò sine bonis stabilibus Collegia fundari non possunt, hoc autem de directo est contra definitionem mendicitatis allatam, ergo non sunt mendicantia: quod habeant bona stabilia patet ex experientia quod sine bonis stabilibus fundari non possit patet ex eorum Instituto, & Constitutionibus Apostolicis, & fatentur Suarez, & alij authores &c. Secundo Collegia non sunt mendicantia, quia cum societas sit admodum corporis heterogenei habens diuersa membra ad diuersas functiones ex Suarez &c. apparet quod Collegia sūt diuersæ naturæ, & omnino contradistincta à domibus professis, in quibus viget quidem paupertas, & mendicitas, & quibus mendicitatis definitio conuenit, secus autem in ipsis Collegijs in quibus nec viget paupertas, nec mendicare coguntur, quippe quæ bona habent ergo non sunt mendicantia licet domus professæ mendicantes existant.

Tertio mendicatem habent Collegia non ex natura rei, sed ex priuilegio, licet enim habeant bona, tamen Pius V. voluit ipsa habere priuilegia Mendicantium, vt in citata Constitutione, in qua, in declaratione mendicitatis non nominantur Collegia, sed solum Præpositus, & singulæ personæ societatis, quæ Collegia postea nominantur in participatione priuilegiorum; ex quo inferunt, cum igitur non ex natura rei, sed ex priuilegio sint mendicantia, sequitur quod per hanc communicationem non eximantur à decimis, quia nulla de decimis in illa Constitutione fit mentio, & tamen fieri deberet, quia saltem pro derogatione cap. nuper quod est conciliare, specifica ipsius mentio fieri debuisset.

Ad hæc tria capita reducuntur omnia ex aduerso contra mendicitatem

Ad primum: ista propositio, Collegia societatis ex fundatione necessariò habet bona secū adiūcta, itaut sine illis bonis ex vi Regulæ ac Constitutionibus Apostolicis fundari non possint, duplicem habet intellectionem. Primo quod illud ~~ex~~ denotat tempus. Secundo quod denotet naturam, Primo modo verissima est propositio. Secundo modo: nequaquam & ex ista distinctione ruit tota machina aduersariorum: in hac enim fallacia, & æquiuatione consistit tota eorum argumentatio, & æquiuocatio, quia confundunt has duas intellectiones, & ex vnione temporis, faciunt illationem ad vnionem naturæ, & tamen sunt toto Cælo diuersa: vnde potest bene stare, quod eodem tempore Collegia habeant secum bona stabilia, itaut non possint sine bonis fundari, & tamen bona non sint de eorum natura.

Habemus exemplum de vtroque matrimonio, tam corporali, quàm spirituali, quia nec mulier sine dote matrimonio copulatur; cum intersit reipublicæ mulieres esse dotatas *l. i. ff. solut. matr.* nec sanctimonialis sine dote proficitur, & nihilominus, sicut matrimonium, & professio regularis habet suam essentiam, naturam, & qualitatem propriam sine dote, ita pariformiter Collegia habent bona, tanquam propriam dotem ad sustentationem ex sui fundatione eodem tempore &c. sed nihilominus dos non est de eorum essentia, quia naturaliter Collegia intelliguntur sine dote, dos autem aduenit illis tanquam quid superueniens, & adiunctum.

Concedimus igitur quod Collegia ex eorum fundatione habeant bona, sed vti dotem, quo nomine propriè vtuntur Pontifices in eorum Constitutionibus, vt in Paulo III. & Iulio III. in præcedentibus diximus, sed non potest inferri, ergo ipsis hoc conuenit ex natura rei, quia in iure non est inconueniens, quod accessorium non sequatur naturam sui principalis, quando in eo diuersa militat ratio, vt benè DD. ex aduerso scribes ex Dyno, & alijs firmarunt, & an religio sit mendicans vel non, attenditur initium, ita tamen, vt si postea facultatem obtineat possidendi, non perdit per hoc priuilegia mendicantis ab initio acquisita, vt etiam firmarunt iidem DD. ex aduerso scriben. per doctrinam Lapi & aliorum.

Sed replicant aduersarij, non potest dici quod Collegijs superueniat facultas obtinendi bona, quia ex fundatione eam habent, quibus eadem distinctione respondemus, quod hæc superuentio, licet non sit posterior tempore, est tamen posterior natura, & licet Collegia non sint prius tempore fundata in mendicitate, & postea concedantur illis bona, sunt tamen prius natura, & hæc prioritas est attendenda tanquam essentialis, & necessaria non prioritas temporis tanquam acciden-

Haec distinctione apparet clara, & plena intellectio Constitutionum Societatis, & Apostolicarum, necnon Suarez, & aliorum auctorum, quia, dum affirmant bona esse Collegijs necessaria, nec posse sine illis fundari, intelligunt de necessitate secundum quid nempe pro dote, ad sustentanda onera Scholarium, non autem de necessitate simpliciter, quia sine dote bene possunt esse Collegia, & de facto potest dari casus, quod sine dote reperiantur, & saltem ex dispositione omnes etiam Scholares debent esse parati ad mendicitatem, ut diximus, & infra, magis declarabimus.

Uterius dicimus Collegia posse habere bona sibi adiuncta absque praedicio paupertatis, & mendicitatis. Primo, quidem in communi. Secundo autem etiam in particularibus religiosi; in communi quidem quia Collegia, seu Collegiales, nec dominium, nec bonorum habent administrationem, in quibus proprietates, & mendicitatis incompatibilitas adeo ab aduersariis exagerata consistit. Non quidem dominium, quia hoc reperitur penes Ecclesiam vniuersalem, ut in simili de minoribus ex Nicolao III. Innocentio IV. & alijs rationibus dixit *Didacus de Cea in Thesouro Terra Sanctae lib. 1. cap. 8. § 6.* Nec etiam administratio, quia haec tota in societate, & P. Generali consistit, ut ex Const. 9. par. 4. cap. 3. §. 5. apparet, & ex Iulio III. in praecedentibus probauimus, quod nec aduersarij inficiantur.

Imò tantum abest, quod habeant dominium, aut administrationem quod è contra, nec ius habent ad illa acquirenda, vel conseruanda iudicialiter, sed merè, se habent passiuè sub potestate Generalis, & propterea, ut in praeteritis deduximus, nec collegialiter congregari possunt, nec agere, nec excipere, nec procuratores facere, sed omnimoda potestas in Generali residet, ut ex Constitutionibus part. 9. cap. 3. §. 1. 3. & 5. & ex Pio V. probauimus in praeteritis, & declarauit *Rota in una Corduben. Decimarum de Lucena coram R. P. D. Carrillo, & Craconien. isem decimarum coram Reuerendiss. Cerro, ac aliis decisionibus.*

Hoc vno capite Pater Cea vbi sup. lib. 2. cap. 4. §. 2. vers. praeterea nulla approbat minoritas esse capaces legatorum perpetuorum, quia licet certa sint legata; nihilominus ad illa civilem non habent actionem, & §. 6. ponit multa exempla de diuersis Conuētibus, cum certis elemosynis aedificatis, & fundatis cum approbatione Summorum Pontificum, quibus consentiunt etiam Constitutiones Societatis, quoad elemosynas perpetuas domibus, vel Ecclesijs applicatas par. 6. cap. 2. §. 6. quia nullum ius civile ad eas petendas in iudicio eis acquiritur, & similiter nec Collegijs acquiritur ius ad bona sibi applicata, sed ius

Præposito Generali, ergo Collegia etiam cum talibus bonis in comuni remanent mendicantia. Similiter etiam personæ particulare sunt mendicantes non obstan. prædictis bonis Collegio applicatis quia nec ipsæ habent dominium, aut administrationem, sed pendunt ex nutu superioris, qui ex obediētia potest illis indicare quodcumque, quod ostiatim mendicent, vt supra vidimus. vnde semper in hac præparatione animi existunt, vt DD. pro hac parte scribes in præteritis firmarunt, & DD. ex aduerso concorditer concedunt.

Ex quibus contra primam obiectionem aduersariorum stat firma nostra propositio, quod Collegia, Societatis, & eorum Scholares sunt vere, & non fictè ex natura rei, & proprietate inseparabili mendicantes, & mendicantia, licet ex post (intelligendo de proprietate naturæ) bona tanquam dos illis sint adiuncta in ipsa eorum fundatione ex necessitate secundum quid, non simpliciter, hoc est pro eorum sustentatione, & subuentione, quam ad nutum Generalis administratoris, tanquam eleemosynam recipiunt, & quorum dominium Ecclesiæ vniuersali, non ipsius acquiritur.

Nec obstat similitudo tutoris à Suarez allata, & ex aduerso tantum celebrata, quia similitudo non se tenet in omnibus perneceffe, alias non esset similitudo, sed idem quod non potest esse per *glos. in cap. Capitulum verb. consimili de rescriptis*, sufficit igitur, quod similitudo verificetur in aliquo, vt in casu nostro verificatur, quia sicut pupillus nihil potest agere sine tutore, sic nec Collegium sine Generali, non tamen verificatur pupillus habet dominium, & non tutor, quia in casu nostro, nec pupillus, nec tutor dominium habent, sed vt diximus vniuersalis Ecclesia.

Ad secundam admissa similitudine corporis heterogenei, & quod in societate diuersa sint membra, & quod diuersa habeant officia actiones, & operationes, negatur ex hoc sequi diuersitatem naturæ, imò oppositum colligimus, omnia hæc membra, cum vnum efficiant corpus esse eiudem prorsus naturæ, essentiæ, & proprietatis naturalis, sicut manus, pes, oculus &c. licet sint diuersa membra corporis humani, & diuersos habeant actus progrediendi, tangendi, videndi &c. nihilominus sunt vnus homo, & habent eandem naturam, & essentiam humanam vnicam indiuisibilem, & impartibilem, ita licet Collegia, domus probationis, & domus professæ diuersæ sint partes, ac membra societatis, & diuersos habeant actus, & officia, sunt tamen vna societas, vnum corpus, vna natura, vna substantia, vna essentia. Sed inquit Collegia habent bona, domus autem professæ nequaquam, igitur pater ad sensum quod sunt diuersæ naturæ alias leguntur

retur, quod simul, & semel haberent crumēnam plenam, & vacuam,
ingentes opes; & mendicitatem, quæ non se inuicem compatiun-
tur. *Ille opellio* Respondetur, quod in corpore humano oculus videt, auris audit, nec
oculus audire potest, nec auris videre, non ideo tamen homo simul,
& semel dicitur videns, & cæcus, licet habeat aures, non videntes,
nec ipsæ aures dicuntur cæcæ, quia non sunt aptæ videre, sed eorum
omnium operatio ad corpus refertur, & corpus dicitur videns licet
solos oculos habeat videntes, sic societas cum habeat mendicitatem
exactissimam in omnibus professis, in Collegijs autem permissionem,
& concessionem bonorum, non ex hoc simul, & semel dicitur diues,
& mendicans, sed ab habitu desumit denominationem, qui quidem
habitus est de essentia ipsius societatis, sicut visio corporis, unde
etiā si hunc habitum non haberent Collegia, non tamen societas
dicitur illo priuata.

ed replicant; concedimus societatem habere talem habitum, sed non
Collegia. Respondetur eadem declaratione, Collegium est mem-
brum, & licet actu non habeat mendicitatem, nihilominus illius ha-
bitum non potest dici priuatus, quia uti membrum societatis in cor-
pore, est verè mendicans, sicut auris licet non videat, non potest dici
priuata visu, ac cæca quia in corpore humano videt, igitur, ex quo
societas est mendicans, etiā Collegia perneceffe, ut membra socie-
tatis sunt mendicantia, & ex quo Pius V. declarauit societatem verè,
& non fidè esse mendicantem per consequens etiā, & perneceffe
declarauit Collegia esse mendicantia, alias membra non aptarentur
corpori.

licet hæc similitudo à Suarez desumpta sit à D. Paulo in prima Epi-
stola ad Corinth. in qua ad longum ponitur tota ista declaratio cap.
nec clara littera Sacræ Scripturæ æquiocationibus aduer-
sarium tergiuertari possit, nihilominus ad tollen. omnem scrupu-
lum dicimus habere etiā bona in communi, & illa possidere, & il-
lorum proprietatem habere se compati cum arctissima mendicitate,
ut dicit *S. Antonin. in summa par. 4. tit. 12. cap. 4. §. 13. ibi*, sed habent
in communi, & *§. 14. vers. secunda conclusio omnino piden.* & decla-
rauit expressè Ioannes XXII. in extrauag. quia quorundam de ver-
bor. signific. vers. nec hoc scilicet &c. ubi quod Fratres Prædicatores,
& Minores non præiudicant, altissimæ paupertati; licet bona possideāt
in communi, iuxta illorum regulam, & Clemens Octauus declarauit
armelitas Discalceatos esse verè Mendicantes licet eorum Collegia
in communi sint bonorum capacia, & Sacrum Conciliū in Tridenti.

num sess. 25. cap. 3. de Regular. concessit ipsis sine præiudicio paupertatis bona habere in communi, etiam si alias ex vi regulæ non possent. Igitur etiam Collegia Societatis non quidem ex sola concessione Concilij, sed ex vi regulæ à Sede Apostolica approbatæ sunt capacia bonorum, etiam si eorum dominium, & administrationem haberent (quod negatur ex dictis,) & hoc sine præiudicio mendicitatis, alias nec Carmelitæ, nec Minores, nec Prædicatores possent vocari Mendicantes, imò à fortiori Patres Prædicatores, Minores Conuentuales Augustiniani, & Carmelitæ bona habent in communi, & etiam dominium, possessionem, & administrationem, & Conuentus habent ius succedendi ex personis particularibus absque eo quod præiudicetur mendicitati, quia sufficit, quod Religio sit fundata in mendicitate, vt diximus, ergo magis hoc conuenit Collegijs Societatis, quæ nec dominium, nec possessionem habent, vt clarè disponitur in Constitutionibus par. 4. cap. 2. §. 5. ibi possessionem Collegiorum cum rebus temporalibus, quæ ad ipsam spectant capiet societas &c. nec administrationem, vt supra diximus, nec ipsa ex personis collegialium habeat ius succedendi, vt disponitur in Constitutionibus par. 6. cap. 2. §. 12. vbi dicitur, quo melius paupertatis puritas, & quies illa quam secum affert, conseruetur, non solum particulares professi, vel Coadiutores formati hæreditariæ successionis non erunt capaces, verum nec domus, nec Ecclesiæ, nec Collegia. Ecce quod paupertatis puritas pari passu ex natura rei, non solum domibus professis, sed etiam Collegijs, ex vi regulæ indicitur, cui non præiudicatur, licet ex post ex concessione bona illis adiungantur.

Ad tertium dicimus: argumentum aduersariorum de priuilegio expressam inuoluere æquiocationem, aliud est enim dicere, quod societas & illius Collegia ex vi regulæ, & ex natura propria sint mendicantia, & ex priuilegio possint postea habere bona adiuncta, quod nos dicimus, & est verissimum; aliud quod Collegia ex vi regulæ, & ex natura propria possint habere bona, & ex priuilegio sint mendicantia, quod dicunt aduersarij, & non subsistit in facto, ex deducis, & sic cessant exempla Iurispatronatus, legitimati, & similia: quia semper in illis supponitur, quod ex natura rei non fuerit talia, Collegia autem societatis ante declarationem Pij Quinti, erant talia, vt ex illo verbo, ante, & illis, fuisse, fore, & esse supra demonstrauius, & sic non habent mendicitatem ex priuilegio; sed bene habent quod sine præiudicio mendicitatis, ex priuilegio bona possunt habere adiuncta, quia ex natura rei habere non possunt.

Nec facit illa ponderatio aduersariorum quod in declaratione Pij Quinti

ti circa mendicitatem non nominentur Collegia; quæ solum nominantur in communicatione privilegiorum; quia ut diximus cum Collegia de per se nihil sint nisi membra societatis, dum declaratur societatem esse mendicantem, in illo corpore veniunt etiam Collegia, ut diximus, præterquam quod cum Pius dicat Præpositum, & singulas personas societatis fuisse esse, & fore mendicantes, benè comprehendit Scholares, qui tria habentur vota simplicia, & ex quibus conflatur Collegium; non enim Collegium indicat parietes, sed Collegiales, ac per consequens ipsos Scholares, ac Rectorem, & alios Coadiutores, & Ministros Collegij, ut perpenderunt in præcedentibus DD. pro hac parte scribes.

Nec facit quod Scholares, & Nouitij dicantur esse in via respectu professorum quatuor votorum, qui dicuntur esse in termino, quia siue in via, siue in termino, sunt verè personæ societatis, & verè Religiosi ex Bulla Gregorij XIII. ascendente Domino, & omnes personæ Societatis declarantur Mendicantes; ut diximus; hoc enim nihil aliud concluderet, quàm hos, & illos plus minusuè dici pauperes, vel mendicantes cum paupertas, & mendicitas suam habeat latitudinem, ut quælibet virtus, sed hoc non præiudicat essentia, & naturæ, ac substantiæ paupertatis, & mendicitatis, quæ cum indiuisibilis sit, reperitur in omnibus, & etiam in minimo saluatur, & in hunc sensum loquitur Suarez, & alij auctores ex aduerso allegati, dum distinguunt paupertatem, & mendicitatem Scholarium, aut Nouitiorum à paupertate, & mendicitate professorum, nempe quod in professis existentibus in domibus professorum eminentior elucet paupertas, cum non habeant certam eleemosynam ipsis applicatam, quàm in Collegijs Scholarium, & in domibus probationum Nouitiorum, in quibus non tam sublimis elucet paupertas, & mendicitas, cum habeant bona annexa pro eorum sustentatione, sed nihilominus, & ipsi sunt pauperes, & mendicantes ex præparatione animi, & ex eo quod nec dominium, nec possessionem, nec administrationem habent, cum à nutu Præpositi Generalis dependeant, ut diximus, & ex eo quod licet etiam in communi dominium, & possessionem haberent, hoc non præiudicaret altissimæ paupertati in qua fundata est societas, ut ex exemplo aliorum Mendicantium fuit firmatum, & ex eo tandem, quod ex vi regulæ puritas paupertatis, non solum domibus professis, sed etiam Collegijs indicitur, ut supra demonstrauimus.

Id quod tantum exaggerant DD. ex aduerso scribes de immensitate diuitiarum Collegiorum, Societatis, attento numero, & qualitate personarum, responderi potest facilliter, quia ad mensuram reddi-

tuum applicatorum in Collegijs introducuntur, & sustentantur Scholares: vnde vbi multæ sunt opes, multi, & qui comedunt eas, & non est alligandum os bovi trituranti, si pro societate, & pro iuuentute instruenda, ac pro Sancta Ecclesia vniuersali tot laborant operadores proculdubio æquum est illis subueniri, vbi enim pauci sunt Scholares, non multæ applicantur opes: vnde semper in Collegijs Societatis seruatur religiosa parcitas; & hæc quoad redditus, similiter quoad ædificium, & structuram corporalem, si habeatur consideratio, ad ea quæ pro exercitijs collegialibus necessaria sunt, & ad personas ibi degentes apparebit, quod nihil superfluum reperitur; ampliora enim ædificia habent Sæculares Vniuersitates, & ampliores habitationes habent multæ personæ, quæ nec sanguine, nec professione collegiales excedunt, & ipsi nihilominus pro personis suis particularibus vulgari mensa, & vnico contenti sunt cubiculo, quæ cursim dicta sufficiât, cum non faciant ad huius causæ propositum, attento quod in Ciuitate, & Diœcesi Hispalen. sunt ^{septem} ~~decem~~ Collegia, non autem decem octo, vt exaduerso supponitur, & inter hos sex de eleemosynis viuunt, vt si opus esset cum iuramento etiam Patres deponere possent.

Cæterum de præseruatione consuetudinis in Breue Leonis XI. in præteritis ex ipso toto tenore Breuis, & declaratione Rotæ in illa Carthaginen., & alijs rationibus ibi adductis satis constare credimus, quibus hoc vnum solum adijcimus, quod authores etiam externi hoc intellexerunt, & exempli gratia adducitur *Barbosa de iure Ecclesiast. vniuers. lib. I. cap. 41 num. 195. vers. sic.* à solutione, qui hæc ait: à solutione & præstatione decimarum, & aliorum onerum quorumcumque eximit Societatem IESV, Greg. XIII. constit. 51. incipien. Pastoralis 1. Ianuarij 1578. sed Leo XI. pro Regnis Hispaniæ modificauit concessionem huiusmodi circa decimas prout de iure, & licet Gregorius XV. reduxerit illam ad terminos Constitutionis Gregorij XIII. tamen Vrbanus VIII. Constitutione Leonis XI. seruari voluit, nisi quatenus de iure, vel consuetudine exempti reperiuntur.

Quare &c.

Ioannes Naldus &c.

1880-1881

M. A. D.

COLELLA

Hospital Decima

1888

M. A. D.

Hospital Decima

1888

M. A. D.

Hospital Decima



4

1888

M. A. D.

M. A. D.

Hospital Decima

1888

R. P. D.

CORRADO

Hispaleñ Decima-
rum.

P R O

Veni Collegijs Socie-
tatis IESV.

CONTRA

Capitula.

4

Facti
D. Naldi.

R O M AE;
Ex Typographia Reu. Cam.
Apostolicæ. 1646.

Superiorum permissu.